



ACTA DA SESIÓN ORDINARIA DO PLENO DA CORPORACIÓN REALIZADA O 30 DE DECEMBRO DO 2021

Alcalde-Presidente:

Carlos Ladra Brage

ASISTENTES

Concelleiros/as;

Grupo político municipal PSdG-PSOE

Concepción Rodríguez Ferreiro

Diana M^a. Rodríguez Fernández

Grupo político municipal BNG:

Iago Varela Martínez

Paula González Grueiro

Grupo político municipal PP:

Elena María Arias Martínez

Manuel González López

Javier Fernández Brage

María José Bouza Varela

Grupo Mixto:

María Eva García Amor

Xosé Manuel Pérez Sardiña

AUSENCIAS XUSTIFICADAS:

Secretaría-Interventora:

Irene Suárez López

Sesión telemática celebrada en virtude do artigo 46.3 da LBRL introducido pola Disposición Adicional segunda do Real Decreto lexislativo 11/2020, do 31 de marzo, polo que se adoptan medidas urxentes e complementarias no ámbito social e económico para facer fronte ao COVID-19. Sendo as 12:00 horas do 30 de decembro do 2021, reúnense en primeira convocatoria, baixo a presidencia do Alcalde, Carlos Ladra Brage, os/as concelleiros/as que se relacionan á marxe, coa asistencia da Secretaría-Interventora Irene Suárez López, que da fe do acto.

Unha vez comprobada a existencia de quórum para a válida constitución do Pleno, o Presidente declara aberta a sesión, e procédese a tratar os asuntos incluídos na Orde do Día.

ORDE DO DÍA

1.- ORZAMENTO 2022

Obra no expediente o ditame que a continuación se transcribe:

PROPOSTA DA ALCALDIA.- APROBACIÓN INICIAL DO ORZAMENTO CORRESPONDENTE AO EXERCICIO 2022

Confeccionado o orzamento xeral para o exercicio 2022, con todos os documentos e emitido o informe da intervención, esta Alcaldía PROPÓN ao Pleno da Corporación, órgano competente, de conformidade co artigo 22.2 e) da Ley 7/1985, de Bases de Réxime Local e o artigo 168.4 do Texto Refundido da Lei reguladora das Facendas Locais, aprobado por Real Decreto Lexislativo 2/2004:

PRIMEIRO.- Aprobación inicialmente o orzamento desta Entidade para o ano 2022 que ascende á contía de 3.065.162,67 € en ingresos, e á contía de 3.065.162,67 € en gastos correspondendo a cada un dos capítulos as seguintes cantidades:

Estado de ingresos		Estado de gastos	
Capítulos	Importe	Capítulos	Importe
1	1.017.710,56	1	1.077.688,34
2	41.000,00	2	1.687.570,00
3	535.292,57	3	500,00
4	1.313.210,33	4	140.110,00
5	2000	5	0,00
6	0,00	6	159.294,33
7	155.949,21	7	0,00
8	0,00	8	0,00
9	0,00	9	0,00
TOTAL	3.065.162,67	TOTAL	3.065.162,67

SEGUNDO.- Aprobación das Bases de execución do orzamento nos termos en que se redactaron.

TERCEIRO.- Aprobación do cadro de persoal dos postos de traballo reservados a funcionarios e persoal laboral.

CUARTO.- Que se expoña ó público por prazo de 15 días hábiles, a efectos de reclamacións, conforme ó preceptuado no artigo 169.1 do Texto Refundido da Lei de Facendas Locais (R.D. Lex 2/2004 de 5 de marzo)

QUINTO.- Que, no suposto de non presentarse reclamacións, se considerará definitivamente aprobado, debendo cumprirse o trámite da súa publicación, resumido por capítulos, no Boletín Oficial da Provincia e taboleiro de edictos deste Concello, xuntamente co cadro de persoal, segundo dispoñen os artigos 127 do Real Decreto Lexislativo 781/86 e 169.3 do Texto Refundido da Lei de Facendas Locais, e noutro caso procederase de acordo co previsto no 169.1 do mesmo.

SEXTO.- Que, de acordo co artigo 169.4 do Texto Refundido da Lei de Facendas Locais se remita copia do orzamento definitivamente aprobado a Administración do Estado e á Comunidade Autónoma.

Quenda de intervencións (remisión íntegra ao arquivo audiovisual que acompaña á presente acta)

Por parte do concelleiro Xosé Manuel Pérez Sardiña preséntanse as seguintes emendas ao ditame arriba recollido:

EMENDA PARCIAL NÚM. 1 AO DITAME DA COMISIÓN DE FACENDA E CONTAS SOBRE O PROXECTO DE ORZAMENTO DO CONCELLO DE CABANAS PARA O EXERCICIO 2020

Xosé Manuel Pérez Sardiña como portavoz municipal da Marea de Cabanas, mediante o presente escrito, e ao abeiro dos dereitos que lle outorga o ROF, eleva ao Pleno da Corporación emenda número 7 ao ditame da Comisión de Facenda e Contas de 27 de decembro sobre o proxecto de Orzamento do Concello de Cabanas para o exercicio 2022:

Emenda á proposta de acordo

Motivación

Tendo en conta a proposta que fixemos reiteradamente en exercicios anteriores e a tramitación reiterada dos orzamentos municipais sen participación cidadá, sen participación asociativa e sen participación política, en datas de nadal e co fin de conseguir a tramitación dun expediente transparente e participativo do orzamento municipal do Concello de Cabanas así como a publicación na web municipal do expediente orzamentario coma da totalidade da aprobación provisional do Plan Xeral de Ordenación Municipal, cumprindo a lexislación relativa a protección de datos de carácter persoal tal e como lle demandou no traslado de documentación a Xunta fai 4 anos.

Tendo en conta a lexislación vixente en canto a tramitación do orzamento municipal e a proposta de Somos Cabanas aprobada polo Pleno sobre a participación veciñal nos orzamentos e nos instrumentos urbanísticos.

Tendo en conta a lexislación vixente para modificación de ordenanzas fiscais municipais

Presentamos as seguinte engádega á proposta de acordo:

- Asemade, establecer o seguinte calendario para a tramitación do Orzamento municipal do Concello de Cabanas nas vindeiras anualidades:

- 1. Aprobación da alcaldía do proxecto de orzamento municipal antes do 31 de outubro: entrega do documento a grupos políticos e asociacións veciñais.*
- 2. Apertura de prazo de 20 días hábiles para presentar emendas de grupos políticos e propostas de participación veciñal.*
- 3. Informe do grupo de goberno sobre emendas de grupos políticos e propostas veciñais antes do 5 de decembro.*
- 4. Debate e votación de emendas e propostas na Comisión de Facenda antes do 12 de decembro.*
- 5. Debate e votación en Pleno do orzamento antes do 22 de decembro.*

- Publicar na web municipal de Transparencia o expediente completo do Orzamento Municipal para 2022 e as contestacións das alegacións do Plan Xeral de Ordenación Municipal aprobado provisionalmente polo Pleno da Corporación o pasado 31 de outubro de 2018 ao abeiro do establecido no artigo 87 da Lei 2/2016, do 10 de febreiro, do solo de Galicia.

- Abrir expediente para modificar as ordenanzas do ICIO, do IVTM, do IBI, da taxa de obras e construcións e da ordenanza de Emerxencia Social.

EMENDA NÚM. 2 AO DITAME DA COMISIÓN DE FACENDA SOBRE O PROXECTO DE ORZAMENTO DO CONCELLO DE CABANAS PARA O EXERCICIO 2020

Xosé Manuel Pérez Sardiña como portavoz municipal da Marea de Cabanas, mediante o presente escrito, e ao abeiro dos dereitos que lle outorga o ROF, eleva ao Pleno da Corporación emenda número 5 ao ditame da Comisión de Facenda e Contas de 27 de decembro sobre o proxecto de Orzamento do Concello de Cabanas para o exercicio 2022:

Incluír o seguinte anexo de investimentos plurianuais

Motivación

Tal e como viñemos facendo ao longo do ano a través de distintas propostas de actuación entendemos que o orzamento municipal debe recoller plans de servizos básicos que o Concello de Cabanas debe levar a cabo con carácter plurianual no apartado de investimentos reais no relativo a viais municipais, saneamento ou abastecemento. Deixamos de incluír a actuación do Camiño dos Chaos que vimos reclamando desde a pasada lexislatura e estaremos atentos para que se faga unha obra en condicións. É por iso que estes servizos básicos deben atenderse e, deste xeito, propoñemos engadir o seguinte anexo de Investimentos plurianuais:

1.- Plan Municipal de Saneamento

- Saneamento a Soaserra (Cerdeiras, Os Sardiñas, Paz, Os Durás, Os Lamas, O Igrexario, Xabarís).
- Saneamento a Santa Cruz do Salto (O Alto, Os Ribas, O Cotiño, Os Bouces, O Feal, Os Martices e O Igrexario).
- Saneamento a Irís (A Caneta, Lugar de García, Os Currás, A Fonte, A Igrexa, Traseiras e Balvís).
- Saneamento ás Modias.
- Saneamento a Regoela.
- **Saneamento ao Salto de Irís (Salto de Riba e Salto de Baixo).**

2.- Plan Municipal de Abastecemento:

- Depósito con dous compartimentos para mancomunar con Fene e abastecemento ás parroquias de Irís (a partir de cota 230 m), Regoela, Santa Cruz e Soaserra.
- Abastecemento a Irís: Pedra do Couto, Formarís, A Caneta, Lugar de García, Os Currás, A Fonte, A Igrexa, Traseiras e Balvís.
- Abastecemento a Pena do Pico, Os Anidos, Val e O Lodeiro.

3.- Plan Municipal de Camiños

- Recollida de augas, aglomerado completo e limpeza para paseo do Camiño das Vellas (Irís).
- Recollida de augas, aglomerado completo e limpeza para paseo do Camiño da Veiga (Laraxe-Porto).
- Recollida de augas e aglomerado do Camiño de Xabarís.
- Reparación do saneamento, recollida de augas e aglomerado do camiño das Viñas (rúa das Viñas).
- Reparación do saneamento, recollida de augas e acondicionamento da rúa de Abaixo desde a fonte da Preguiza.
- Recollida de augas, reposición e ampliación do camiño do cemiterio do Peteiro.
- Recollida de augas e zahorrado do Camiño do Covo (Pedreiras, Laraxe).

EMENDA PARCIAL NÚM. 3 AO DITAME DA COMISIÓN DE FACENDA E CONTAS SOBRE O PROXECTO DE ORZAMENTO DO CONCELLO DE CABANAS PARA O EXERCICIO 2022

Xosé Manuel Pérez Sardiña como portavoz municipal da Marea de Cabanas, mediante o presente escrito, e ao abeiro dos dereitos que lle outorga o ROF, eleva ao Pleno da

Corporación emenda número 4 ao ditame da Comisión de Facenda e Contas de 27 de decembro sobre o proxecto de Orzamento do Concello de Cabanas para o exercicio 2022:

Emenda ás Bases de execución

Motivación

Estudando as bases de execución e considerando a estrutura, presentamos as seguintes emendas encamiñadas a garantir que o Pleno recupere competencias no control do orzamento municipal e liberar recursos para programas de emprego local, acción social, rehabilitación e axudas.

Tal e como constatamos para o orzamento de 2021, as actuacións da partida de Emerxencia Social requiren a elaboración dun plan integral de actuación na área para solucionar a pobreza enerxética ou mellorar a ordenanza de emerxencia social que atendería as necesidades das familias en situación de vulnerabilidade social, máxime cando apenas se gastou un terzo do total da partida en 2021 porque o tripartito fixo seguidismo da xestión anterior e en 2021 quedaron 8.345,82 euros de 10.000 (O 83%!! sen empregar!!!).

A nosa aposta para a presente lexislatura será complementar a renda social básica para que ninguén quede atrás, non deixar máis de dous terzos da partida de acción social sen executar.

Deste xeito, presentamos as seguintes modificacións parciais ao ditame:

1ª Que a vinculación sexa á partida orzamentaria (Base 6ª).

2ª Que o expediente de transferencia, agás para gastos de persoal, sexa competencia do Pleno da Corporación (Base 10ª).

3ª Que se supriman as asignacións por asistencia a reunión de Xunta de Delegados, asistencia a reunións de órganos externos e as dedicacións de tenencia de alcaldía e delegación de servizos.

4ª Diminuírase a dedicación da alcaldía ata 20.000 euros.

EMENDA PARCIAL NÚM. 4 AO DITAME DA COMISIÓN DE FACENDA E CONTAS SOBRE O PROXECTO DE ORZAMENTO DO CONCELLO DE CABANAS PARA O EXERCICIO 2022

Xosé Manuel Pérez Sardiña como portavoz municipal da Marea de Cabanas, mediante o presente escrito, e ao abeiro dos dereitos que lle outorga o ROF, eleva ao Pleno da Corporación emenda número 4 ao ditame da Comisión de Facenda e Contas de 27 de decembro sobre o proxecto de Orzamento do Concello de Cabanas para o exercicio 2022:

Emendas parciais motivadas nas demandas e necesidades sociais achegadas pola veciñanza

Logo de realizar múltiples propostas e preguntas durante o presente exercicio de 2021 que consideramos deficientemente atendidas polos órganos de goberno propoñemos as seguintes modificacións parciais ás seguintes partidas segundo segue:

- Diminuír en 30.000 € a función económica 10000, programa 9120. **Destinar esta baixa a persoal laboral temporal de medio ambiente, no programa 13101 co fin de promover un plan de emprego local.**

- Diminuír en 16.000 € a función económica 10000, programa 9120. Destinar esta baixa a conservación e rehabilitación de vivendas, no programa 1522.780.04 para **axudas a rehabilitación en xeral e por causa de deterioración, inundacións e/ou temporais.**

- Diminuír en 14.000 € a función económica 16000, programa 9120. Destinar esta baixa a emerxencia social 48480, programa 2310, dotada de 10.000,00 € e que pasaría a 24.000,00

€ co fin de habilitar unha liña de **axudas a familias con poucos recursos por situación da pandemia**.

- Diminuír en 20.000 € a función económica 23300, programa 9121. Destinar esta baixa a **axudas a empresas e autónomos para afrontar a pandemia de Covid-19**.

- Diminuír en 19.000 € a función económica 23300, programa 9121. Destinar esta baixa a unha **partida para adquisición de terreos no Oito con fins dotacionais públicos segundo propostas realizadas no pleno polo concelleiro Xosé Manuel Pérez Sardiña**.

Asemade modifícase parcialmente as seguintes partidas para reforzo da limpeza por Covid e coidado do piñeiral da Madalena

- Diminuír en 10.000 € a partida destinada a Festa de Santa Marta, eliminando a partida e **destinar 5.000 € á partida 227.00 de Traballos outras empresas limpeza e aseo, programa 920: reforzo dos servizos de limpeza por Covid e os 5.000 € restantes da baixa á partida de protección e mellora do medioambiente, programa 1720 (investimentos reais): repoboación do piñeiral da Madalena e tratamento sobre a procesionaria**.

Asemade modifícanse parcialmente as seguintes partidas para protección contra a contaminación

- Diminuír en 500 € a partida 2.22.22601, programa 9202, ficando en 500 €

- Diminuír en 1.000 € a partida 2.22.22602, programa 9202, ficando en 500 €

- Destinar as baixas que suman 1.500 € ao programa 1721 (investimentos reais) de protección contra a **contaminación acústica, lumínica e atmosférica nas zonas urbanas**.

Asemade modifícanse parcialmente as seguintes partidas para mellora dos camiños, estudo sobre cambio climático no litoral e biblioteca municipal

- Diminuír en 7.000 € a partida 2.22.22604, programa 9200, ficando en 5.000 €

- Diminuír en 1.000 € a partida 2.22.22699, programa 432, eliminando a partida

- Diminuír en 52.000 € a partida 2.22.22799, programa 432, eliminando a partida

- Destinar 4.500 € das baixas a "Estudo técnico de ampliación do Centro de Saúde de Cardeita" partida 2.22.22706 programa 312

- Destinar 4.500 € das baixas a "Estudo técnico de ampliación do CEIP "Eladia Mariño de Porto" partida 2.22.22706 programa 3210.

- Destinar 40.000 € das baixas á partida de infraestrutura viaria, programa 1532 pavimentación de viais municipais (investimentos reais)

- Destinar 5000 € das baixas a unha partida para estudo de incidencia do cambio climático no litoral de Cabanas

- Destinar 5000 € das baixas a dotación dun espazo de biblioteca municipal.

Sometida a votación a emenda núm. 1 é rexeitada por cinco (5) votos a favor dos concelleiros do PP e do concelleiro do Grupo Mixto e seis (6) votos en contra dos concelleiros do PSdG-PSOE, BNG e a concelleira do Grupo Mixto.

Sometida a votación a emenda núm. 2 é rexeitada por cinco (5) votos a favor dos concelleiros do PP e do concelleiro do Grupo Mixto e seis (6) votos en contra dos concelleiros do PSdG-PSOE, BNG e a concelleira do Grupo Mixto.

Sometida a votación a emenda núm. 3 é rexeitada por un (1) voto a favor do concelleiro do Grupo Mixto, catro (4) abstencións dos concelleiros do PP e seis (6) votos en contra dos concelleiros do PSdG-PSOE, BNG e a concelleira do Grupo Mixto.

Sometida a votación e emenda núm. 4 é rexeitada por cinco (5) votos a favor dos concelleiros do PP e do concelleiro do Grupo Mixto e seis (6) votos en contra dos concelleiros do PSdG-PSOE, BNG e a concelleira do Grupo Mixto.

Sometida o asunto a votación e por seis (6) votos a favor dos concelleiros do PSdG-PSOE, BNG e a concelleira do Grupo mixto e cinco (5) votos en contra dos concelleiros do PP e o concelleiro do Grupo Mixto adoptouse o seguinte ACORDO:

PRIMEIRO.- Aprobar inicialmente o orzamento desta Entidade para o ano 2022 que ascende á contía de 3.065.162,67 € en ingresos, e á contía de 3.065.162,67 € en gastos correspondendo a cada un dos capítulos as seguintes cantidades:

Estado de ingresos		Estado de gastos	
Capítulos	Importe	Capítulos	Importe
1	1.017.710,56	1	1.077.688,34
2	41.000,00	2	1.687.570,00
3	535.292,57	3	500,00
4	1.313.210,33	4	140.110,00
5	2000	5	0,00
6	0,00	6	159.294,33
7	155.949,21	7	0,00
8	0,00	8	0,00
9	0,00	9	0,00
TOTAL	3.065.162,67	TOTAL	3.065.162,67

SEGUNDO.- Aprobación das Bases de execución do orzamento nos termos en que se redactaron.

TERCEIRO.- Aprobación do cadro de persoal dos postos de traballo reservados a funcionarios e persoal laboral.

CUARTO.- Que se expoña ó público por prazo de 15 días hábiles, a efectos de reclamacións, conforme ó preceptuado no artigo 169.1 do Texto Refundido da Lei de Facendas Locais (R.D. Lex 2/2004 de 5 de marzo)

QUINTO.-Que, no suposto de non presentarse reclamacións, se considerará definitivamente aprobado, debendo cumprirse o trámite da súa publicación , resumido por capítulos, no Boletín Oficial da Provincia e taboleiro de edictos deste Concello, xuntamente co cadro de persoal, segundo dispoñen os artigos 127 do Real Decreto Legislativo 781/86 e 169.3 do Texto Refundido da Lei de Facendas Locais, e noutro caso procederese de acordo co previsto no 169.1 do mesmo.

SEXTO.- Que, de acordo co artigo 169.4 do Texto Refundido da Lei de Facendas Locais se remita copia do orzamento definitivamente aprobado a Administración do Estado e á Comunidade Autónoma.

2. PROPOSTA DE ACORDO DE ACEPTACIÓN EXPRESA DO CONCELLO DE CABANAS DAS CONDICIÓN E PRESCRICIÓN PARA O OUTORGAMENTO DA CONCESIÓN DE DOMINIO PÚBLICO MARÍTIMO TERRESTRE CON DESTINO A COLECTORES E TANQUES DE RETENCIÓN PARA SANEAMENTO T.M. CABANAS.

Obra no expediente a proposta de Alcaldía que a continuación se transcribe:

EXPEDIENTE: 1903/2021

PROPOSTA DE ALCALDÍA.- ACEPTACIÓN DO CONCELLO DE CABANAS DAS CONDICIÓN E PRESCRICIÓN PARA O OUTORGAMENTO DE CONCESIÓN DE DOMINIO PÚBLICO MARÍTIMO TERRESTRE.

Visto a comunicación efectuada pola Demarcación de Costas do Estado en Galicia en data 18/12/2021, con rexistro de entrada nº 2021-E-RC-3274, na que se traslada copia da Resolución ditada en data 13 de decembro de 2021 pola Dirección General de la Costa y el Mar, pola que se someten á aceptación do Concello de Cabanas as condicións e prescricións conforme ás cales podería outorgarse a concesión de dominio público marítimo terrestre.

Visto a solicitude efectuada para someter novamente á aceptación do Concello de Cabanas as condicións e prescricións polas que se podería outorgar a concesión de ocupación de mil oitocentos sesenta e oito con vinte e oito (1.868,28) metros cadrados de dominio público marítimo terrestre, con destino a colectores e tanques de retención para saneamento T.M. de Cabanas (A Coruña), debendo aceptar expresamente o establecido na páxina 12 da Resolución do 3 de decembro de 2021 da Dirección General de la Costa y del Mar.

Polo exposto anteriormente, no uso das competencias que lle confire a lexislación vixente e artigo 22 da Lei 7/1985, de 2 de abril, Reguladora das Bases de Réxime Local, PROPÓN ao Pleno da Corporación a adopción do seguinte ACORDO:

Primeiro. Aceptar expresamente as condicións e prescricións polas que pode outorgarse a concesión de ocupación de mil oitocentos sesenta e oito con vinte e oito (1.868,28) metros cadrados de dominio público marítimo terrestre, con destino a colectores e tanques de retención para saneamento T.M. de Cabanas (A Coruña), nas condicións establecidas na Resolución do 3 de decembro de 2021 da Dirección General de la Costa y del Mar.

Segundo. Dar traslado do presente acordo á Demarcación de Costas do Estado en Galicia

Sometida a votación a ratificación da inclusión na orde do día é aprobada por dez (10) votos a favor dos concelleiros do PP, PSdG-PSOE, BNG e a concelleira do Grupo Mixto e unha (1) abstención do concelleiro do Grupo Mixto.

Quenda de intervencións (remisión íntegra ao arquivo audiovisual que acompaña á presente acta)

Sometido o asunto a votación e por dez (10) votos a favor dos concelleiros do PP, PSdG-PSOE, BNG e a concelleira do Grupo Mixto e unha (1) voto en contra do concelleiro do Grupo Mixto adoptouse o seguinte ACORDO:

Primeiro. Aceptar expresamente as condicións e prescricións polas que pode outorgarse a concesión de ocupación de mil oitocentos sesenta e oito con vinte e oito (1.868,28) metros cadrados de dominio público marítimo terrestre, con destino a colectores e tanques de retención para saneamento T.M. de Cabanas (A Coruña), nas condicións establecidas na Resolución do 3 de decembro de 2021 da Dirección General de la Costa y del Mar.

Segundo. Dar traslado do presente acordo á Demarcación de Costas do Estado en Galicia

E non habendo mais asuntos que tratar deuse por finalizada a sesión sendo as trece horas e corenta e dous minutos, estendéndose a presente acta da que, eu, Secretaria, certifico.

Vº e Pº